



Inatsisartunut ilaasortamut  
Aqqalu C. Jerimiassen  
Atassut

26-01-2024  
Sags nr. 2023 - 29269  
Akt. id. 23835471

Postboks 260  
3900 Nuuk  
Tlf. (+299) 34 50 00  
Fax (+299) 34 63 64  
E-mail: isn@nanoq.gl  
www.naalakkersuisut.gl

## § 37 naapertorlugu apeqqut nr. 171-2023 aningaasaqarnikkut atugassarititat nuuttarnerillu pillugit apeqqutininut akissuteqaat

Asasara Aqqalu C. Jerimiassen.

Qujanaq apeqqutininut. Naalakkersuisut kingusissumik akissuteqarnertik ajuusaarutigaa.

Apeqqutit ataasiakkaarlugit ataani allaqqinneqarput, akissutaannik malitseqartillugit.

### 1. Nunatsinni innuttaasut ukiumut qassit pissakillionertik pillugu Danmarkimut nuuttarnersut Naalakkersuisut ilisimavaat?

Kalaallit Nunaata Danmarkillu akornanni angalanermut atatillugu innuttaasunik pisortatigoortumik nalunaarsuisoqanngilaq, angalanermi siunertaq pineqartillugu. Taamaattumik innuttaasut, Kalaallit Nunaanniit Danmarkimut nuunnerat eqqarsaatigalugu, amerlassusaannik naatsorsuutininut soqanngilaq. Naalakkersuisut nuunnermi suna pissutaanersoq ilisimangilaat.

Naalakkersuisut apeqqut akissutissarsiniarlugu danskit oqartussaasui attaveqarfigaat. Ajoraluartumik akissummik tigusaqartoqanngilaq.

### 2. Nunatsinni innuttaasut pisortaniit pisartagallit ukiumut qassit pissakillionertik pillugu Danmarkimut nuuttarnersut Naalakkersuisut ilisimavaat?

Naalakkersuisut akissummi ilimagaat, isumaginninnermi ikiorsiissutininut akigititat assingiingissuteqarsinnaanerit innersuussutigineqartoq.

Apeqqummut 1-imut akissummi allaatigineqartutut, amerlassutsit tigussaasut pillugit naatsorsuutininut soqanngilaq.



Taamaattoq Naalakkersuisut ilanngunniarpaat, Naalakkersuisunit ilisimaneqarmat, assersuutigalugu angerlarsimaffeqanngitsut pillugit suliassaqaarfik eqqarsaatigalugu, innuttaasut Kalaallit Nunaanniit Danmarkimut nuuttartut ikiorsiissutinik annertunerusunik imaluunniit inissamik ujartuillutik. Peqatigalugu erseqqissartariaqarpoq, angerlarsimaffeqanngitsut atugarliortullu, Kalaallit Nunaanniit nuunnissaminnut toqqaanermut pissutaasut amerlasinnaammata, aamma taamaattumik pissutaasut ikiorsiissutit annertussusaannut taamaallaat tunngassuteqartutut immikkoortinneqarsinnaanatik.

**3. Naalakkersuisut qanoq pilersaaruteqarpat atugarisat pillugit Danmarkimut nuuttoqartarnera unitsikkumallugu?**

Naalakkersuisut innuttaasut Kalaallit Nunaanni pitsaanerpaamik atugassaqtinniarlugit sulipput. Atugassarititat pitsaasut inuiattullu kinaassuseq, taakkuusinnaapput Kalaallit Nunaanni najugaqaannarnissamut pissutaasinnaasut.

**4. Naalagaaffinngornikkut Danmarkimut nuuttarneq unikaallatsinneqarsinnaanersoq Naalakkersuisut upperivaat?**

Naalakkersuisut isumaqarput, naalagaaffinngorneq Kalaallit Nunaanniit Danmarkimut nuuttarnermut attuumassuteqanngitsaq.

Inussiarnersumik inuulluaqqusillunga

Jess Svane